



UNIVERSITI  
TEKNOLOGI  
MARA

Cawangan Perlis  
Kampus Arau

# Buletin InTouch

@ UiTM Cawangan Perlis

Edisi:  
2022



## Mendukung Misi GRU2025

Fokus Utama Amanat Rektor  
UiTM Cawangan Perlis Bagi  
Tahun 2022

### Menarik di dalam



UiTM Cawangan Perlis Jalin Kerjasama  
Bersama Korea Sports Promotion Foundation  
(KSPO) Korea Selatan



Program Hari Hutan Sedunia (21 Mac),  
Hari Air Sedunia (22 Mac) dan Ulang Tahun  
Penubuhan Trash Hero Perlis Yang Ke-3



UiTM Cawangan Perlis Jalin Kongsi  
Kepakaran Kepada Komuniti  
Orang Asli Melalui ESKOM  
2022



Majlis Menandatangani Memorandum  
Perjanjian (MoA) Antara Universiti  
Teknologi MARA (UiTM) Dengan  
Universitas Gajah Mada (UGM)  
Indonesia

## UiTM PERLIS KONGSI KEPAKARAN KEPADA KOMUNITI ORANG ASLI MELALUI ESKOM 22

Oleh:  
Eliy Nazira Mat Nazir  
Nur Firdaus Abdul Rashid

Tasik Temenggor, 20 - 22 September 2022 – Program Ekskursi Rapat Sukarelawan Dan Cakna Komuniti (EKS KOM 22) anjuran bersama Unit Jaringan Industri, Masyarakat dan Alumni (ICAN), PJIMA UiTM Cawangan Perlis, Fakulti Sains Komputer dan Matematik, RIG Communicare dan Persatuan Prihatin Komuniti Negeri Perlis (Communicare) melibatkan masyarakat orang asli di Sungai Chiong di Tasik Bending telah berlangsung selama 3 hari disini.

Seramai 23 orang sukarelawan dari kalangan staf UiTM Cawangan Perlis serta wakil-wakil dari NGO terlibat dalam misi ini. Sebanyak 12 kotak pakaian, 68 set kelengkapan sekolah dan sumbangan makanan telah disampaikan kepada penduduk orang asli berhampiran dengan beberapa pengisian aktiviti. Antara aktiviti yang telah dijalankan adalah sesi perkongsian kepakaran dan hasil penyelidikan sukarelawan serta kesedaran tentang kepentingan pendidikan, kesihatan, kebersihan dan teknologi semasa kepada masyarakat orang asli di situ.

YBhg Prof. Madya Ts. Dr. Shukor Sanim Mohd Fauzi, Rektor UiTM Cawangan Perlis menyambut baik program-program seperti ini dalam usaha memasyarakatkan UiTM dengan lebih luas di peringkat nasional sekaligus membuktikan bahawa UiTM prihatin terhadap masyarakat. Selain itu, YBhg Rektor juga menggalakkan warga kampus untuk terus menjalinkan kerjasama erat bersama NGO dan industri dalam kerja-kerja amal seperti ini dalam usaha ke arah pembangunan sosiobudaya



dan ekonomi komuniti.

Tambahan beliau, inisiatif ESKOM 22 ini juga selari dengan inisiatif University for Society@Keluarga Malaysia atau UniTY yang dibentangkan dalam Amanat Menteri Pengajian Tinggi.

Antara aktiviti lain yang dijalankan adalah Latihan Dalam Kumpulan (LDK), *jungle trekking* dan *water confidence* yang bertujuan meningkatkan ketahanan diri dan jalinan kerjasama serta ukhuwah antara sukarelawan.

